



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOSKI KANTON
OPĆINA TEŠANJ
OPĆINSKO VIJEĆE

Broj: 01-45-1- 1718/21

Datum: 07.07.2021.godine

IZVJEŠTAJ o radu Općinskog vijeća Tešanj za period 1.1. – 30.6.2021. godine

UVODNI DIO

Članom 117. Poslovnika o radu OV-a utvrđeno je sljedeće:


1. Općinsko vijeće obavezno je putem nadležne službe izraditi šestomjesečni i godišnji izvještaj i isti nakon usvajanja na sjednici Općinskog vijeća objaviti.
2. Izvještaj iz prethodnog stava obavezno obuhvata:
 - a) broj donesenih i realizovanih odluka,
 - b) prisustvo vijećnika obukama za funkcionalno usavršavanje,
 - c) broj odluka koje su inicirali građani,
 - d) broj održanih javnih rasprava,
 - e) broj građana koji su prisustvovali javnim raspravama,
 - f) broj sprovedenih analiza ekonomске opravdanosti,
 - g) broj građana koji su prisustvovali sjednicama Vijeća
 - h) prisustvo vijećnika sjednicama Vijeća.
 - i) broj građanskih prijedloga, primjedbi i inicijativa.

Izvještaj o radu Općinskog vijeća Tešanj za period 1.1. – 30.6.2021. godine predviđen je u drugom kvartalu Programa rada za 2021. godinu.

IZVJEŠTAJNI DIO


a. Općinsko vijeće je donijelo 21 odluku, 19 rješenja i 47 zaključaka

Sagleda li se struktura tema i pitanja o kojima se vodila rasprava i donosili određeni zaključci u izvještajnom periodu najbrojnije su bili
- prijedlozi rješenja (19),
- prijedlozi odluka (21),
- informacije (16),
- izvještaji (12).



U izvještajnom periodu Općinsko vijeće je nakon provedenih rasprava usvojilo **ukupno 87 akata** i to


- **21 odluku,**
- **19 rješenja i**
- **47 zaključaka.**



Općinski vijećnici su u svom radu podnijeli ukupno 75 akata i to:

- **48 vijećničkih pitanja,**
- **25 inicijativa i**
- **2 amandmana,**

na koje je odgovorenno, uglavnom do naredne sjednice Vijeća.



Realizacija akata

Informacija o realizaciji akata koje je Općinsko vijeće usvojilo u periodu od predhodne sjednice sedam dana prije održavanja sjednice dostavlja se vijećnicima u materijalima za sjednicu i medijima, a objavljuje na web stranici Općine i oglasnoj tabli.

Uvidom u hronološki registar propisa objavljenih u "Službenom glasniku Općine Tešanj" u izvještajnom periodu, može se konstatovati da su akte donesene od strane Općinskog vijeća, Općinski načelnik i administracija uglavnom i realizirali u predviđenom roku, i da je u toku realizacija preostalih akata.

- b. U izvještajnom periodu vijećnici su prije početka sjednice imali 4 edukacija na sljedeće teme: Elektronska komunikacija i korištenje IT alata, Ustavnopravni položaj JLS i Zakon o principima lokalne samouprave, Statut općine Tešanj, Poslovnik o radu Općinskog vijeća Tešanj a predavači su bili: službenik za IT Aidin Ibrahimkadić, Općinski pravobranilac Ajriana Brkić, Stručni savjetnik Općinskog načelnika Mirnes Dedukić i Predsjedavajući Općinskog vijeća.
- c. Općinsko vijeće je donijelo 1 akt koji je iniciran od strane građana.

- d. Održane su 4 javne rasprave.
-
- e. Javnim raspravama je prisustvovalo veoma malo (6) građana, jer se zbog trenutne epidemiološke situacije praktikovalo da se prijedlozi građana dostavljaju elektronski putem e-maila, ili u pismenoj formi putem pisarnice (dostavljeni 8 prijedloga)..
-
- f. Sjednicama Vijeća pored redovnih gostiju prisustvovao 17 građana.
-
- g. Nije bilo odluka koje su zahtjevale posebnu ekonomsku opravdanost.
-
- h. Prisustvo vijećnika sjednicama Vijeća bilo je dobro, jer su svakoj sjednici Vijeća, od ukupno 25 vijećnika, u prosjeku prisustvovala 24 vijećnika, ili 96 %.
-

Na ukupno 6 održanih sjednica Vijeća u periodu od 1.1. do 30.6. 2021. godine, uglavnom nakon ranije najavljenog opravdanog odsustva, sjednicama Vijeća nisu prisustvovali slijedeći vijećnici:

	Prezime i ime vijećnika	Odsustvo sa sjednice	Kašnjenje na sjednicu	Ranije napuštanje
1.	Deljkic Nermin	-	2	-
2.	Begovic Rifet	-	1	-
3.	Piro Amir	-	-	2
4.	Hodzic Enes	1	-	1
5.	Pilav Elvir	-	-	1
6.	Krsic Boban	1	-	-
7.	Rošić Jakub	1	-	-
8.	Hasanbasić Senad	1	-	-
9.	Jašić Haris	1	-	-

- i. U izvještajnom periodu Vijeću je dostavljeno 9 građanskih prijedloga, primjedbi i inicijativa.

SJEDNICE VIJEĆA

Općinsko vijeće Tešanj je u periodu 1.1. – 30.6.2021. godine radilo u redovnim javnim zasjedanjima. Održano je ukupno 6 sjednica od kojih je jedna bila tematska. Sjednice Vijeća u izvještajnom periodu trajale su u prosjeku oko 4 sata.

Aktivnosti Općinskog vijeća zasnivale su se na zadacima utvrđenim Programom rada Vijeća za 2021. godinu. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinosio da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo.

Materijali su u izvještajnom periodu uglavnom dostavljani najmanje 7 dana prije održavanja sjednice, čime je redovno poštovana procedura predviđena Poslovnikom o radu Vijeća.

Cjelokupan radni materijal planiran za sjednice Vijeća, poslije sjednice Kolegija objavljuje se na zvaničnoj web strani Općine (aplikacija eCitizen). Ovim činom sav materijal činimo dostupnim svim građanima sa ciljem da do početka sjednice putem aplikacije eCitizen mogu ostaviti svoje komentare, prijedloge, kao i da preko vijećnika mogu reagovati svojim primjedbama na svaki od predloženih dokumenata.

Sjednicama Vijeća, zbog trenutnog stanja izazvanog pandemijom nisu u svojstvu gosta pozivani poslanici u državnom parlamentu i kantonalnoj skupštini s područja općine i OSCE. Predstavnici javnih preduzeća i ustanova su prisustvovali tematskoj sjednici jer je razmatrana određena problematika vezana za navedene institucije.

Na dnevnom redu sjednica Vijeća bilo je 61 tačka, od čega su 34 ili 56% bile predviđene Programom rada Vijeća za 2021. godinu. Ostalih tačaka 27 ili 44 % bile su tekuće aktivnosti nastale kao posljedica zahtjeva građana, poslovnog svijeta i drugih subjekata pred administracijom. U prosjeku je bilo po 10 tačaka dnevnog reda po jednoj sjednici.

Na 4.sjednici Općinskog vijeća Tešanj koja je održana 24.03.2021.godine za zamjenika predsjedavajućeg Općinskog vijeća Tešanj izabran je vijećnik Haris Jašić.

Općinsko vijeće Tešanj je na svojoj 3. sjednici održanoj dana 19.01.2021. godine, razmatrajući Izvještaj o radu Općinskog vijeća za 2020. godinu, usvojilo zaključak: Da se u svakom narednom izvještaju o radu Općinskog vijeća uvrsti i tabela sa imenima svih vijećnika sa brojem diskusija, podnesenim inicijativama i postavljenim pitanjima.

NAPOMENA: Tabelarni prikaz je u prilogu ovog izvještaja i sastavni dio je istog.

Općinsko vijeće Tešanj je na istoj sjednici, razmatrajući Izvještaj o radu Općinskog vijeća za 2020. godinu, usvojilo i zaključak: Da se u svakom narednom izvještaju o radu Općinskog vijeća uvrsti i izvještaj ili informacija o realizaciji pokrenutih inicijativa od strane vijećnika.

NAPOMENA: S obzirom da je u izvještajnom periodu po podnesenim inicijativama vijećnika, dostavljeno mišljenje Općinskog načelnika, te kako nije bilo izjašnjavanja o istim, smatra se da su vijećnici zadovoljni odgovorima i da su već informisani po tom pitanju.

Osnovne tematske odluke predviđene Programom rada koje je Vijeće u izvještajnom periodu donijelo:

1. Budžet općine Tešanj za 2021.godinu,
2. Odluke o izvršenju Budžeta općine Tešanj za 2021.godinu,
3. Odluke o vrijednosti boda komunalne naknade za 2021.godinu,
4. Odluke o usvajanju Gender akcionog plana općine Tešanj 2020-2023,
5. Odluke o finansijskoj podršci školovanju u akademskoj 2020/21.godini
6. Odluke o usvajanju Programa novčanih podsticaja za unapređenje poljoprivredne proizvodnje na području općine Tešanj u 2021. godini,
7. Odluke o usvajanju Plana kapitalnih investicija za budžetsku 2021.godinu (sa planom kandidovanih investicija za 2022 i 2023) 1+2,
8. Odluke o usvajanju Akcionog plana održivog upravljanja energijom i prilagođavanja klimatskim promjenama općine Tešanj za period do 2030.godine.

Osnovne tematske odluke koje nisu bile predviđene Programom rada za 2021.godinu:

1. Odluka o usvajanju Platforme za mir, te Plan aktivnosti za provođenje iste.
2. Odluka o izmjeni i dopuni Strategije razvoja općine Tešanj 2018-2027,
3. Odluka o pristupanju izradi Urbanističkog projekta mikrolokacije "Centar" Jelah,
4. Odluka o odabiru najpovoljnije ponude za zakup zemljišta upisanog u k.o. Kalošević,
5. Odluka o načinu i naknadama za pružanje usluga Profesionalne vatrogasne jedinice pravnim i fizičkim licima,

6. Odluka o izmjeni i dopuni Odluke o općinskim administrativnim taksama i naknadama,
7. Odluka o usvajanju Programa za izradu katastra komunalnih uređaja,
8. Odluka o finansiranju parlamentarnih grupa-klubova vijećnika i stranaka u Općinskom vijeću Tešanj
9. Odluka o potvrđivanju liste najboljih kandidata za Nadzorni odbor TRA d.o.o. Tešanj,
10. Odluka o utvrđivanju javnog interesa za izgradnju lokalne ceste LC-17 Tešanj-Medakovo-Tešanjka na potezu od poslovne zone "Bukva" do priključka na magistralnu cestu M-4 Dobojski-Teslić,
11. Odluka o lokacijama groblja-mezarja na području općine Tešanj,
12. Odluka o vodovodu i kanalizaciji,
13. Odluka o objavljivanju Javnog oglasa za imenovanje 3 (tri) člana Općinske izborne komisije Tešanj.

JAVNOST RADA

Rad svih sjednica Vijeća bio je javan. Sjednicama su redovno prisustvovali i mediji (TV "Smart" Tešanj). Sjednice su emitovane u jasno definisanom terminu, prva subota nakon održavanja sjednice sa početkom u 21,00 sati i nedjelja u 14,00 sati u programu TV "Smart" Tešanj i najkasnije u roku od tri dana na NTV "Amna" Tešanj. Građanima općine bilo je omogućeno televizijsko praćenje sjednica Vijeća, te kraće reportaže putem TV "Smart" Tešanj (Tešanjska hronika) i lokalnih radio stanica. Također, rad Vijeća redovno je predstavljan na web stranici Općine Tešanj i Tešanjskom biltenu, te na druge načine (facebook stranici i aplikacije za mobilne telefone). Konačni akti redovno su objavljivani u "Službenom glasniku Općine Tešanj", koji su građanima dostupni i na web stranici Općine Tešanj, aplikaciji eCitizen.

RADNA TIJELA VIJEĆA

1. Stalna radna tijela OV

Općinsko vijeće Tešanj je na svojoj 2. Sjednici na prijedlog predsjedavajućeg Vijeća imenovalo Komisiju za izbor i imenovanje, a na 4.sjednici održanoj 24.03.2021.godine usvojilo prijedlog Rješenja o imenovanju radnih tijela Vijeća:

1. Statutarne – pravna komisija;
2. Komisiju za monitoring nad realizacijom Strategije razvoja Općine Tešanj;
3. Komisiju za budžet;
4. Komisiju za praćenje primjene kodeksa ponašanja vijećnika i javnosti rada Vijeća;
5. Komisiju za pitanja mladih i ravnopravnost polova i
6. Komisiju za zaštitu čovjekove okoline

Prva sjednica članova radnih tijela sa predsjedavajućim Vijeća i tehničkim sekretarom održana je u dva dijela, 7.i 8.2021.godine na kojoj je izvršena: dodjela Rješenja o imenovanju, upoznavanje članova, te date su upute i smjernice za rad radnih tijela Vijeća, izvršen je izbor predsjednika Komisija i njihovih zamjenika kao i dogovor za dalji rad i saradnju.

U izvještajnom periodu održano je 25 sastanaka stalnih radnih tijela,

R.br.	RADNA TIJELA	Broj sastanaka od 1.1.-30.6.2021.
1.	Komisija za pitanja mladih i ravnopravnost polova	6 sastanaka
2.	Komisija za izbor i imenovanje	6 sastanaka
3.	Komisija za praćenje primjene kodeksa ponašanja vijećnika i javnost rada vijeća	4 sastanka
4.	Komisija za zaštitu čovjekove okoline	3 sastanka
5.	Komisija za budžet	2 sastanka
6.	Komisija za monitoring nad realizacijom Strategije razvoja općine Tešanj	2 sastanka
7.	Statutarno-pravna komisija	2 sastanka

Komisija za izbor i imenovanje

U izvještajnom periodu Komisija je:

- Raspisala Javni poziv za dostavljanje prijava za izbor i imenovanje članova radnih tijela Općinskog vijeća Tešanj, provela proceduru izbora i Općinskom vijeću uputila prijedlog rješenja o izboru i imenovanju.
- S obzirom da je jedan član Komisije za pitanja mladih i ravnopravnost odustao, Komisija je uputila prijedlog za razrješenje i imenovanje novog člana sa rezervne liste kandidata koji su ispunjavali uslove iz Javnog poziva.
- Komisija je provela i proceduru za dostavljanje prijedloga za imenovanje zamjenika predsjedavajućeg vijeća i uputila svoj prijedlog Općinskom vijeću, da u skladu sa Poslovnikom o radu Općinskog vijeća Tešanj (član 71-75) provede postupak izbora i imenovanja zamjenika predsjedavajućeg Općinskog vijeća za predložene kandidate: Kršić Boban, Ramić Omer i Jašić Haris.
- Razmatrali su inicijativu Komisije za pitanja mladih i ravnopravnost polova , te usvojili Zaključak koji glasi: "Obavijestiti Komisiju za pitanja mladih i ravnopravnost polova da se poštuje Zakon o ravnopravnosti polova i da Komisija za izbor i imenovanje vodi računa o izboru i imenovanju manje zastupljenog pola. Što se tiče radnih tijela općinskog vijeća Tešanj, trenutno je u šest Komisija od ukupno dvadeset četiri člana dvanaest ženskog i dvanaest muškog pola, tri predsjednika su ženskog a tri muškog pola."
- Podnijeli su inicijativu za Izmjenu Poslovnika o radu Općinskog vijeća Tešanj koja glasi „Da se Komisija za pitanja mladih i ravnopravnost ponovu podijeli u dvije Komisije, odnosno da se jedna bavi pitanjima mladih a jedna ravnopravnosti polova). Obrazloženje: Smatramo da su to preobimne oblasti svaka za sebi, i pet članova komisije neće moći dovoljno posvetiti se svakoj posebno i postići dobre rezultate u ostvarenju ciljeva i zadataka.
- Komisiji za praćenje Kodeksa ponašanja vijećnika uputili su sugestiju, da obrate pažnju i prate ponašanje vijećnika na sjednicama vijeća. Uočeno je da se neki vijećnici prilikom izlaska za govornicu nedolično ponašaju, drže ruke u džepovima i sl. Također neki vijećnici na društvenim mrežama vrše nedolične, nekulturne prepiske, u kojima se kolege vijećnici nazivaju svakakvim pogrdnim imenima... Preporučuju da se tim vijećnicima uputi upozorenje ili izreče mjere ukora i dr. predviđeno Kodeksom ponašanja vijećnika u Općinskom vijeću Tešanj.

Komisija za pitanja mladih i ravnopravnost polova

Komisija je u izvještajnom periodu usvojila Program rada za 2021.godinu,

- Uputila Inicijativu Statutarno- pravnoj komisiji za prijedlog Općinskom vijeću da se usklade Statut

općine i Poslovnik o radu Općinskog vijeća i ostala akta Općine i MZ-a sa Zakonom o ravnopravnosti spolova u dijelu koji se tiče zastupljenosti spolova

- Inicijativu Komisiji za izbor i imenovanja da prilikom izbora članova u tijelima i postavljanju rukovodilaca u organima da se obezbijedi zastupljenost 40 % predstavnika/ ca manje zastupljenog pola
- Inicirali su da Općinski načelnik sa nadležnim službama poduzme aktivnosti da Općinu Tešanj prijavi na Javni poziv za „Fakat je vakat da nagradimo lidere“
- Članovi komisije su izvršili prijavu na - Javni poziv za prijavu JLS za učešće u programu obuke članova Komisije za ravnopravnost spolova na lokalnom nivou
Usvojeni su i sljedeći Zaključci:
 - da će Komisija sa svojim idejama podržati aktivnosti vezane za realizaciju aktivnosti LGAP:a, odn. aktivnosti upoznavanja žena na području Općine o važnosti politike participacije žena.
 - Prijedlog o razdvajanju, na Komisiju za pitanja mlađih i Komisiju za ravnopravnost polova
 - Plan saradnje, posjeta i edukacija na relevantne teme za udruženja žene i mlađih po svim mjesnim zajednicama Općine Tešanj.
 - Uz dogovor sa predstvincima Općinske službe za društvene djelatnosti, a koji su zaduženi ispred za realizaciju LGAP – a, sve posjete, edukacije i saradnju Komisija će planirati u skladu sa ciljevima LGAP – a ključnim za realizaciju istog i to po periodima .
 - U svrhu veće javnosti i transparentnosti rada osnovana je fb stranicu pod nazivom *Mreža za emancipaciju žena Tešnja* i na kojoj se promoviše rad Komisije.
 - Općinskom vijeću je upućen prijedlog Odluke o izmjenama i dopunama Kodeksa ponašanja vijećnika u Općinskom vijeću Tešanj
 - Komisija je panel diskusiju na temu *Važnost političke participacije žena* organizovala sa predstvincima Službe za društvenu djelatnost, a cilj ove panel diskusije je bio podići svijest ljudi o zasad nedovoljnom učešću žena u organima vlasti , neravnopravnom položaju žena kandidatkinja na lokalnim izborima , te mogućnostima povećanja učešća žena u političkom životu općine Tešanj.

Komisija za praćenje primjene kodeksa ponašanja vijećnika i javnost rada Vijeća

Komisija je u izvještajnom periodu: Usvojila Poslovnik o radu i Program rada za 2021.godinu

- Razmatrala i dostavila odgovor po zahtjevu građanina, Karahmet Irfan-a da je zahtjev za povrat novčanih sredstava za troškove izvršnog postupka za naplatu duga po osnovu komunalne naknade neosnovan i uputila sugestiju nadležnoj Službi u kojoj se vodi evidencija o utvrđenim obavezama i naplati komunalnih naknada, da u slučaju neblagovremene uplate obaveze od strane obveznika , da bi preventirali eventualna nezadovoljstva građana, obavezno pošalju opomenu s navedenim krajnjim rokom za upлатu / preporučeno poštom s povratnicom / s naznakom da će , ukoliko se u datom roku ne izvrši uplata duga, biti primorani predati Pravobranilaštву na dalje postupanje u svrhu naplate putem suda.
- Donijela Plan - raspored za članove Komisije za praćenja budućih sjednica Općinskog vijeća Sjednica Komisije će se održavati u prvih deset dana narednog mjeseca na kojoj će zaduženi član iznijeti lična zapažanja o eventualnim povredama Kodeksa ponašanja od strane vijećnika, a na sjednicama će se istovremeno razmatrati i eventualne prijave od trećih lica .
Usvojeni su i zaključci:
- Iznesena primjedba na Zapisnik sa 5.sjednice - da Vijećnik Hasanbašić Senad nije bio prisutan na sjednici a u informaciji o pojedinačnom izjašnjavanju je registrovano da je glasao, nije osnovana.
- Kako je prema primjedbama pojedinih vijećnika , bilo prekoračenja najavljenе dužine pauze , a da se nije ni na koji način nisu vijećnici obavjestili da će pauza duže trajati, preporučuje se da se više vodi računa da se najavljena dužina trajanja pauze ispoštuje ili ako postoji potreba da se produži trajanje pauze, da Klub vijećnika koji za to ima potrebu , blagovremeno obavjesti ostale vijećnike o tome.
- Komisija za praćenje primjene Kodeksa ponašanja vijećnika i javnost rada Vijeća je razmatrala Prijedlog Komisije za pitanja mlađih i ravnopravnost polova za izmjene i dopune Kodeksa ponašanja vijećnika u Općinskom vijeću Tešanj i mišljenja je da se isti može uputiti Općinskom vijeću na razmatranje i usvajanje.
- Razmatrana je predstavka građanina Hasaničević Seada na rad Komisije za procjenu nekretnina u prometu, u pripremi odgovor.

Komisije za zaštitu životne okoline

- U izvještajnom periodu Komisija je razmatrala Nacrtu Odluke o vodovodu i kanalizaciji, ten a osnovu usvojenog Zaključla, nadležnoj službi, u toku javne rasprave uputila sljedeće prijedloge:
 1. Imajući u vidu trenutnu situaciju , da nam sve više mlađih ljudi napušta prostore općine i države, u nastajanju da makar djelimično ublažimo negativan trend, predlažemo: „U članu 11. Odluke o vodovodu i kanalizaciji dodati stav koji glasi: „Mladi do 35 godina koji prvi put rješavaju stambeno pitanje, oslobađaju se od plaćanja 50%iznosa navedenih u odluci.“
 2. Postupajući po članu 42. Zakona o pravima demobilisanih branilaca i članova njihovih porodica, kojim je regulisano da imaju pravo na oslobođanje priključaka na infrastrukturne mreže, predlažemo da u tekst Odluke uđe i stavka da se spomenute kategorije oslobole plaćanja takse.
- Komisija je donijela Plan aktivnosti: Praćenje stanja i eventualnih pojava „divljih deponija“ na području općine Tešanj, naročito u rejonu Crnog vrha; Posjeta firmi „MADI“ d.o.o. Bukva, uz osrv na odnos ove firme prema zaštiti čovjekove okoline; Provjera kod nadležnih organa o pojavi plavljenja površine parka kod Osnovne škole „Huso Hodžić“ u Tešnju i dvorišta škole, da li i na koji način je riješena ova problematika; Prijedlog za izradu bilborda i/ili letaka sa „EKO savjetima“ za stanovništvo; Inicijative za uređenje bankina, živica i ostalih uočenih nepravilnosti na lokalnim putevima; Inicijative za instaliranje preventivnih izbočina – tzv „Ležeći policajac“ na lokalnim putevima. Navedene aktivnosti će sprovoditi članovi Komisije u okviru svojih mogućnosti.
- Članovi Komisije su pripremili određene materijale za realizaciju dijela aktivnosti iz Plana, te su po tom pitanju usvojili zaključke: Predložiti da se na strateškim mjestima – prometnim lokacijama postavi bilbord sa eko savjetima za stanovništvo te izrada letaka koji bi se dijelili stanovništvu (u prilogu tekst za bilbord odnosno letak) ; Uputiti zahtjev za provjeru kod nadležnih općinskih organa o pojavi plavljenja površine parka kod Osnovne škole „Huso Hodžić“ u Tešnju i dvorišta škole, da li je i na koji način riješena ova problematika; Prva inicijativa za uređenje bankine i postavljanje ogledala na uočenoj lokaciji (u prilogu dokumentacija - tačna lokacija i obrazloženje); Prva inicijativa za instaliranje preventivnih izbočina – tzv „Ležeći policajac“ na uočenoj lokaciji (u prilogu dokumentacija - tačna lokacija i obrazloženje);

Komisija za Budžet

U izvještajnom periodu razmatrala i dostavila mišljenje o Izvještaju o izvršenju Budžeta općine Tešanj za 2020.godinu i Izvještaju o izvršenju Budžeta za prvi kvartal 2021.godine.

Komisija za monitoring nad realizacijom Strategije razvoja Općine Tešanj

U izvještajnom periodu Komisija je napravila Plan rada, izvršila uvid u sve materijale u vezi Strategije razvoja općine Tešanj, tako da će u narednom periodu moći više raditi na realizaciji ciljeva iz Plana.

Statutarno-pravna komisija

Komisija je u izvještajnom vremenu završila razmatranje i zauzela stav u vezi pristiglih inicijativa vijećnice Elme Ćeman i vijećnika Ernada Deljkića, u pripremi materijal, prijedlog za izmjene i dopune Poslovnika o radu Općinskog vijeća Tešanj.

2. Povremena radna tijela OV

U skladu sa Zaključkom Općinsko vijeće Tešanj koji je usvojen na 25. redovnoj sjednici održanoj dana 31.01.2019.godine u nastavku je izvještaj o radu povremenih radnih tijela:

Općinska izborna komisija Tešanj

OIK Tešanj je u izvještajnom periodu pripremila i proslijedila Centralnoj izbornoj komisiji BiH:

- Izvještaj o radu za 2020. godinu, uključujući radni i finansijski dio, te popunu tabela u prilogu: finansijski dio, -aktivnosti na provođenju izbora, te rad Centra za birački spisak,
- 6 mjesecišnjih izvještaja na propisanom obrascu (MIOROIJ).
- Pripremila i proslijedila Općinskom Vijeću Tešanj Izvještaj o radu OIK Tešanj za 2020. godinu.
- U periodu izvještavanja OIK Tešanj je održala ukupno 7 sjednica te pripremila Zapisnike sa održavanja istih. Nije bilo kršenja Poslovnika o radu, a sve odluke su donošene jednoglasno.
- Tokom izvještajnog perioda OIK Tešanj je donijela jednu Odluku te druge akte u okviru svoje nadležnosti (okvirni budžet za trogodišnji period 2022-2024. godina, odgovori, podaci o ažuriranju biračkih spiskova, dopisi MUP-u Tešanj o brisanju umrlih osoba sa biračkog mjesta, Uvjerenja o izbornom iskustvu, izvještaji...). U saradnji sa matičnim uredima pri Općini Tešanj kontinuirano se pribavljaju podaci o umrlim osobama u svrhu ažuriranja biračkih spiskova.
- Redovno se ažuriraju, vode i kontrolisu evidencije, vodi arhiva i ostali poslovi iz djelokruga rada izborne komisije te ostvaruje saradnja sa Općinskim načelnikom, službama, političkim i drugim subjektima koji imaju dodira sa radom OIK-a.
- Putem Centra za birački spisak ostvaruje se svakodnevna elektronska komunikacija sa Centralnom izbornom komisijom BiH, prilikom koje se sve tražene informacije, akti te drugi podaci dostavljaju na njihov zahtjev i pravovremeno.
- Za Rukovodioca Centra za birački spisak Tešanj (CBS) Općina Tešanj je imenovala Ibrahimkadić Zahira. Aktivnosti CBS tokom izvještajnog perioda su slijedeće:
 - provjera za ukupno 276 umrla lica da li se i dalje vode na Centralnom biračkom spisku, dostavljeno je 26 izvještaja CBS (svaki ponedeljak) Centralnoj izbornoj komisiji BiH, prati se i vrši primopredaja e-mail pošte između CIK BiH i OIK Tešanj, biračima su (po potrebi) date dodatne informacije i pojašnjenja vezano za Birački spisak.

Komisija za procjenu vrijednosti nekretnina u prometu

Na osnovu člana 10. stav 2. Zakona o porezu na promet nekretnina („Službene novine Zeničko-dobojskog kantona“ broj 6/09) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko Vijeće Tešanj na svojoj 33. sjednici, održanoj dana, 30.10.2019.godine donijelo je Rješenje broj:01-49-2-2170-2/19 od 31.10.2019.godine o imenovanju Komisije za procjenu vrijednosti nekretnina u prometu. Zadatak komisije je da vrši procjenu prometa nekretnina u skladu sa Zakonom o porezu na promet nekretnina („Službene novine Zeničkodobojskog kantona“ broj 6/09).

Način rada Komisije i kriteriji na osnovu kojih se vrši utvrđivanje tržišnih vrijednosti nekretnina na području općine Tešanj definisan je Pravilnikom koji je donio Općinski načelnik dana 16.12.2009.godine („Službeni glasnik općine Tešanj“, broj: 10/09) na osnovu čl. 10. i 35. Zakona o porezu na promet nekretnina, čl. 16. I 15. Zakona o porezu na imovinu, nasljeđe i poklon i čl. 30. Statuta općine Tešanj

Uvidom u službenu evidenciju koju evidentira koordinator koji vrši organizaciju rada Komisije, utvrđeno je da je imenovana Komisija za izvještajni period od 01.01.2021.godine do 30.06.2021.godine, izvršila procjenu za 307 predmeta (ugovori, rješenja, odluke), od čega je izvršena procjena za 608 parcela i procjena za 97 objekata.

Drugostepena komisija za rješavanje po žalbama protiv prvostepenih rješenja općinskih organa uprave

imenovana Rješenjem broj:01-49-2-1523-2/19 od 01.08.2019.godine („Sl.glasnik općine Tešanj“, broj:7/19), te Rješenjem broj:01-49-2-1523-4/21 od 25.03.2021.godine („Sl.glasnik općine Tešanj“, broj:3/21). Zadatak Komisije je rješavanje po žalbama izjavljenim protiv rješenja i drugih akata općinskih organa uprave Općine Tešanj, a koji su rješavani na osnovu Statuta ili drugih propisa Općinskog vijeća i Općinskog načelnika u prvostepenom upravnom postupku.

Komisija je u periodu od 01.01.2021.godine do 30.06.2021.godine odlučivala o 8 žalbi na rješenja općinskih organa uprave.

Komisija za provođenje javnog nadmetanja - licitacije u postupku prometa općinskim zemljištem u izvještajnom periodu nije imala postupaka provođenja javnog nadmetanja.

ZAKLJUČCI

- a. Kada se ima u vidu ukupna realizacija planskih i vanrednih aktivnosti, može se konstatovati da je Općinsko vijeće u periodu 01.01. – 30.6.2021. godine uspješno realizovalo svoju ulogu.
- b. Većina odluka je usvojena jednoglasno.
- c. Aktivnost Vijeća se ogleda i kroz podnesenih 75 akata (amandmani, vijećnička pitanja i inicijative) i usvojenih 87 akta koji su upućeni Općinskom načelniku i administraciji na realizaciju, od kojih je većina realizovana. Informacija o realizaciji odluka, rješenja i zaključaka Općinskog vijeća je redovno dostavljana i objavljivana na web stranici Općine u materijalima za svaku sjednicu.
- d. U cilju transparentnosti rada ovaj Izvještaj će biti objavljen na zvaničnoj web stranici Općine Tešanj i jednim dijelom u narednom broju Biltena, te tako dati priliku i građanima da se upoznaju i putem ove zbirne informacije o radu Općinskog vijeća Tešanj.

Prilog: Tabelarni pregled poimenično za vijećnike sa brojem diskusija, podnesenim inicijativama i postavljenim pitanjima



PREDSJEDAVAJUĆI VIJEĆA

Amir Kurtić, dipl.ing.elteh.

**Tabelarni pregled poimenično za vijećnike
sa brojem diskusija, podnesenim inicijativama i postavljenim pitanjima
za period od 01-01- do 30.06.2021.godin**

Red. Broj	PREZIME I IME VIJEĆNIKA	Broj diskusija	Broj postavljenih v.inicijativa	Broj postavljenih v.pitanja
1.	Begović Rifet	-	-	-
2.	Ćeman Elma	9	1	1
3.	Deljković Nermi	15	-	9
4.	Deljković Ernad	1	2	2
5.	Galijašević Emir	24	10	9
6.	Hadžić Enes	1	1	1
7.	Handžić Hasan	10	4	6
8.	Hasanbašić Senad	19	1	-
9.	Hodžić Enes	9	1	2
10.	Jašić Haris	2	-	-
11.	Kotorić Esmir	10	-	1
12.	Kršić Boban	3	-	1
13.	Kurdić Adem	7	1	1
14.	Kurtić Amir	9	-	-
15.	Pašić Danijel	11	1	-
16.	Pezer Fahrudin	3	1	1
17.	Pilav Elvir	4	-	-
18.	Pilav Ragib	3	1	-
19.	Piro Amir	7	-	2
20.	Rahić Armin	-	2	2
21.	Ramić Omer	10	-	-
22.	Rošić Jakub	10	-	-
23.	Smailbegović Besim	5	-	-
24.	Solo Fahir	27	1	4
25.	Šaranović Amir	20	1	6
ukupno		220	28	48